

素

軒

集

初冬即事

南中忽復又初冬
山郭蕭條喜罷農
旅鴈橫空聲肅肅
流泉落澗水溶溶
烟光向日晴飛竹
露氣凝寒夜滴松
坐向小窓欣野趣
悠悠何處動雲春

寄平先生

二月滇南春日長
梨花園上好風光
新鶯出谷聲初滑
輕燕啣泥吻正香
酒灑華觴思曠達
詩成藻句憶清狂
斯遊正爾攄懷切
可得相逢在此鄉

三月三日遊禪刹

携客遨遊上巳時
開樽仍對好花枝
閑中已覺風光

換醉裏從教髣髴垂乳燕入簾還箇箇晴楊近水自
絲絲吟餘便欲乘歸興更有山僧索賦詩

和勲上人詩韻

日長山寺掩柴關時有高人獨往還飛錫每從雲興
外翻經多在竹林間有懷不惜詩頻寄後會寧知月
幾彎何日放舟滇海上舵樓吟對碧雞山

憶遊太華寺

朱明節候將過半何日移舟造上方夜靜蘿窓松月
白曉晴山逕竹風涼三乘解得還堪悟萬慮能冥亦
暫忘欲擬妙峰庵上去清溪近說石為梁

和李僉憲韻

門前車馬絕紛譁全似山中宰相家已見文名誇海
內况承交誼在天涯堦墀雨後生芳草庭院春深擁
落花飽學漫成詩律穩無才屬和但長嗟

泊忠州雲根驛

江流如箭到雲根近水人家半掩門落水蕭蕭連斷
岸疎燈閃閃點孤村沙邊舟子停蘭棹竹裏行厨具
酒樽自起推篷欣雨霽一鉤新月照黃昏

次陳大叅詩韻

蜀中風景異吾鄉此去寧辭道路長老樹冬來無落

葉荒園霜後有啼蜚黃牛峽迥開青嶂白帝城高露
粉墻向晚泊舟閑適處雙雙白鳥自飛翔

泊瞿塘

路入巴江水渺茫扁舟此日下瞿塘鴈飛天外行跡
密漁唱風前韻短長兩岸蘆花飄白雪一林楓葉醉
清霜晚來又向津頭泊坐對青山倒玉觴

泊馬家市

晚來月色滿江天浪靜沙邊好泊船聲斷寒汀無鴈
陣燈明古戍有人煙留心黃卷詩三百遣興清樽酒
十千良夜迢迢多樂事悠然獨坐舵樓前

姜家灣夜泊

楚天涼冷鴈高飛
晚泊樓船近釣磯
洲畔已無蓴菜
美槎頭剩有鱖魚肥
波搖月影侵書幌
風送蘆花點客衣
更喜推篷閑坐久
謾吟詩句思依依

泊漢口

十幅蒲帆事遠行
楚天空闊浪初平
雲開鸚鵡洲邊
樹日落漢陽江上
城三尺瑤琴延逸興
一樽綠醕寫幽情
水光山色渾如舊
閑倚篷窓對晚晴

過潯陽

畫船槳鼓過潯陽
霧氣漫空水路長
鴻鴈數聲來遠

浦蒹葭兩岸老清霜匡廬山色迷蒼翠彭澤人煙接
渺茫遙見海門明月上彭郎磯北駐危檣

泊小孤山次陳大參韻

孤舟晚泊釣魚磯烟景蒼茫客思迷石出又看潮落
後江空正遇月來時青山不改千年色白髮新添兩
鬢絲獨倚舵樓閑眺處波光晴漾碧琉璃

安慶阻風次陳大參韻

三日江頭起北風金陵歸客不懸蓬聯翩鴈起長汀
上遠近山橫夕照中木落千林聲瑟瑟潮平兩岸水
融融船頭獨坐閑吟久天外殘霞幾縷紅

楊灣逢殷方伯

冬晴江水碧於苔方伯喜從

天上來烟暖尚留堤柳綠霜清未着野梅開驚看白雪侵雙鬢笑對青山醉一杯此地相逢又相別月明怕聽斷猿哀

秋浦阻風題梁昭明太子廟

北風捲浪阻行舟吊古閑來秋浦遊一代賢才留姓字千年廟貌在林丘碑文剝落莓苔厚香火蕭條草樹稠試為題詩慰精爽夕陽江上思夷猶

二月十二日發

北京

奉

命南旋出

帝京東郊餞別盡簪纓錦韉玉勒沙堤馬麗日和風
上苑鶯柳暗津亭陳祖席花明官路指歸程離歌莫
奏陽關曲握手無言柰此情

行次臨清喜晴有感

一夜風雷雨若傾曉晴歸棹到臨清籠烟弱柳垂新
綠應候幽禽弄巧聲萬里邊隅宣治化
九重天上被

舟中漫興

沅湘翠巘巉峨遠客乘舟興若何
雨歇海天虹影見風生洲渚浪聲多
詩篇老去音方叶盃酌深來臉易酡
顧我幾回經此地依然斜日照松蘿

過明月園

怪石橫江疊翠岑葱龍佳木落繁陰
水行未免歌斜累陸涉寧忘去住心
沿路不逢青眼客浩歌長發白頭吟
當時謝傳如過此應是登臨感慨深

白溶道中

舟過沅湘六月中巫山巴峽迥相同
萬年枝古叢叢

綠百日花開穗穗紅石瀨奔流昨夜雨居民按堵昔
時風推蓬自適途中趣惟見林巒倚碧空

泊九磯灘

三夕維舟近激流灘聲惱客幾時休蟾光皎皎明霄
漢螢火星星過舵樓坐對青山開美醞俯觀流水豁
吟眸那堪聒耳殘蟬在鼓弄繁聲滿樹頭

春日樣備驛偶成

旅館樓遲饒逸興餘寒猶未試輕羅松林雨過茯苓
長谷口香生蘭草多沽酒味醇誰共酌新詩調古自
堪歌殘紅滿地春將暮瞬息光陰可柰何

遊太華寺

千章夏木鬱葱葱禪室應如罨畫中
滿耳泉聲經宿雨一簾爽氣藉薰風
齋分香積僧初飯茗瀹清泉客
屢逢羨此深幽遠凡俗自嗟塵事杳難同

寄平松雨

江館分携一載餘相思曾寄八行書
應知故里違高隱信是公門好曳裾
忽見寒梅開野徑又聞征鴈度郊墟
凭欄翹首看雲樹緬想交情肯易初

壽菊莊袁先生

袁翁鶴髮過稀年降旦中秋幾日前
旨酒為蘄金石

送朱紳

春深送客出滇城
明日趨裝宿晉寧
高柳綠延鶯語
滑落花紅趁馬蹄
輕芳樽載酒情尤重
彩筆題詩句
更清羨子優游崇道誼
瀘江誰共濯塵纓

無題

晚來寓目雕簷外
景物偏多少
照中坐愛薰風吹短髮
靜看靈雨過長空
綠堦草色茸茸綠
拂檻花枝娜娜紅
自道無題詩句好
清新情思與誰同

贈試官二首

聖朝一統主華夷
又值滇南較藝時
濟濟青衿攄抱

送劉少叅之

京

霏微小雨近重陽有客之

京曉促裝去騎翩翩秋色遠離樽灩灩菊花香陳雷
交誼誰能及李杜才華孰可當折柳贈君添別况新
裁詩句興偏長

和劉大叅

南國地饒香秫米釀成新酒色如金傾來玉笋光偏
好分向微垣意更深每欲花間期盡醉幾番席上助
清吟知均雅有陳雷誼老我應能愜素心

梅花詩寄劉大叅

滇南地暖春回早
溪路梅花雪後芳
照水清竒橫瘦影
臨風瀟灑弄新粧
還期載酒西湖畔
欲擬吟詩東閣傍
謾策短筇看未已
折來應可寄劉郎

和易門人韻

融融和氣已春回
化日舒長泰運開

恩詔遠從天上至
使星今喜日邊來
夷民安輯遵明教
海宇清寧絕點埃
寄我佳章殊俊逸
知均應是不凡才

戊申年元日

四序推遷暖律回滿前生意逐春來東風漸綠隋堤
柳香雪先飄度嶺梅頰乘丹心調玉燭何妨相酒酌
金罍自知老大應無補懷抱踈慵愧楚材

寄姚布政

記得金臺話別時每看雲樹動遐思十年惠愛民尤
慕萬里朋情我獨知畫省尚留芳譽在鹿門當與故
人期南中又見梅花發寄遠聊題四韻詩

奉陪兄總戎遊筇竹寺

元戎行樂值芳春風日融和淑景新旆影飄飄來古
寺馬蹄蹀躞過平津金杯滿飲花前酒錦瑟偏驚席

上人喜得追陪共清賞
宜時歡會莫辭頻

金馬朝陽

群峯羅列郡城東
旭景蒼涼紫翠重
柳暗津亭收宿雨
花開驛路妥晴虹
紛紛黛色連青野
汎汎崇光障碧空
漢使當年曾望祭
令人千載仰高風

碧雞秋色

沈寥天氣夕陽西
水際奇峰峙碧雞
萬朶芙蓉天外立
幾雙鷗鳥望中迷
嵐光縹緲開還合
樹影參差高復低
縱有丹青難點染
霏霏拂拂隱招堤

玉案晴嵐

滇水西頭玉案山晴嵐深鎖綠雲鬟依稀忽見金銀
寺彷彿疑登虎豹關拄笏詩成空翠裏停驂人在畫
圖間何時買得登山屐載酒携朋好共攀

滇池夜月

滇池風靜浪初平涼月團團露氣清萬頃滄波殊浩
蕩一輪素魄自澄明推蓬遙見山河影倚棹無聞鍾
鼓聲我欲乘飈訪仙子不知何處是蓬瀛

螺山積翠

雨洗林巒濕未收螺峰萬疊翠盈眸松林偃蹇晴嵐
合苔壁巍峩薄靄浮不用尋幽探禹穴何須濟勝訪

丹丘平生性僻耽山水布韞青鞋始一遊

龍池躍金

澄潭湛湛碧千尋靈物蜿蜒歲月深俯瞰波光醒醉
眼靜聽泉韻滌塵心牽風寒藻如翻翠鼓浪鮮鱗似
躍金對此偶然生逸興謾題新句坐松陰

官渡漁燈

薄暮津頭霽暝烟孤燈初起捕魚船星光水際明還
滅螢火沙邊斷復連一曲滄浪隨短棹數聲欸乃隔
長川等閑識得烟波趣好向蘆花深處眠

商山樵唱

秋杪霜清落葉時
商山樵採每歸遲
擔頭挑月緣清澗
林下和烟調紫芝
聽徹悠揚三弄笛
觀餘今古一枰棋
昔時四皓知何處
我亦臨風為賦詩

和陳大叅寄來詩韻

記得相逢話別時
每看雲樹輒思之
盍簪倍覺情懷洽
分手寧辭道路遲
處世自慚聞見少
居官肯為鬢毛衰
龐公高興君能愜
莫負鹿門空有期

和陳大叅韻三首

殊方春晚尚餘寒
塵事紛紛又幾般
美酒花前仍小酌
殘書燈下每閒看
夷民遠格今從化
道路宵征豈

憚難翹首榆城如咫尺新詩忽喜報平安

又

風清棘道瘴烟收駐馬邊城日逗遙山色入簾醒醉
眼花枝當檻解人愁謾橫流水琴三弄細啜先春茗
一甌緬憶淡交情思好何時握手共登樓

又

曉陟長途露氣清落花啼鳥遍春城不貪嗜慾忘遐
想僻好詩書信此生旅寓久違滇海客宦遊常憶故
園情知君才思殊瀟洒饋我雙魚到永平

見寄

榆城春色近如何孤館終朝思更多滿地殘紅委塵
土一林新綠蔭池波金杯滿泛清香酒皓齒頻傳白
雪歌聞道故人歸興迫好耐風景莫蹉跎

和陳大叅韻

晚來有約共登樓望裏雲開見趙州萬點殘紅隨澗
水幾多歸鳥集林丘尋常酒債輸工部典雅詩篇媿
日休風景依稀民物阜宦遊偶此更何愁

送朱紳還臨安

執別休歌行路難還携書劒向臨安亂鶯芳樹東風
晚正馬征途暮雨寒一路看山應適興何時聯句共

為歡樽中有酒須當盡
芍藥花開春又闌

過虎丘寺

不到名藍又幾年
禪房花木已蕭然
荒苔積翠無遊客
深竹啼紅有杜鵑
謾賦新詩題石上
聊將魯酒倒岩前
歸來信馬長林下
嵐氣侵衣月滿天

送別賴憲副

烟霧蒼茫品甸城
客中送客若為情
霜風驛路青驄健
曉日郊原繡節明
葉滿空山群木落
香飄孤館早梅清
栢臺如見徐夫子
為我慇懃一寄聲

遊感通寺寄徐憲副

石徑縈紆到感通，峯巒疊翠擁禪宮。
凌寒澗竹千竿綠，映日山茶一樹紅。
步屨長廊閑覓句，焚香靜室坐談空。
令人却憶徐夫子，清賞無由此日同。

次韻寄徐憲副

山程迢遞入荒陬，眺遠開登江上樓。
天際殘霞隨去鳥，溪邊落葉逐寒流。
沽來濁酒同誰醉，吟就新詞謾自謳。
折得梅花逢驛使，寄君聊為一相酬。

立春日有懷寄陳方伯

客邸俄驚斗指寅，洱西風景喜逢春。
桃花向煖紅先露，楊柳含烟綠未勻。
銀甕臘醅渾勝舊，雕盤生菜又

卷七 十四
嘗新興來坐對蒼山雪謾賦詩篇寄故人

過大理迎恩橋

日照蒼山雪未消東風吹我過河橋青青生意催萱
草淡淡烟光著柳條百種蠻夷連部落萬年疆場拱
天朝太平氣象人皆樂遊覽寧辭道路遙

寄徐憲副

客裏逢春獨坐時幾回對酒動遐思雲連遠岫書來
少月落空堂夢覺遲溪上梅花飄白雪陌頭楊柳髒
青絲自憐唱和無才思深愧先生又寄詩

有懷

人生浮世似南柯瞬息光陰可奈何眼底青春忙裏
過鏡中白髮老來多瑤琴弄月諧神品石鼎烹茶却
睡魔二月山村寒尚在客衣猶未試香羅

元夜寄徐憲副

山村今夕逢元夜坐對芳樽酌未能謾聽蘆笙吹野
調高燒松炬作華燈一園桃李春烟合萬里雲霄霽
月升清興豁然渾不寐吟詩端為寄良朋

寄居阮二生

日煖風和二月天郊原生意浩無邊萋萋草色綠於
漆灼灼花枝紅欲燃流水人家飛社燕空山客路怨

啼鶻柳營晝靜無塵雜獨坐焚香閱簡編

雨中寄應方伯

一天涼雨正宜時獨坐軒中有所思
籜解新篁森曲逕萍開錦鯉躍芳池
綠樽細酌麻姑酒烏几閑吟杜老詩
退食自公欣晝永謾將清興寄相知

題獅子山二首

重來武定訪名山風景依然晝盡間
綠樹鶯啼僧出定青天雲盡鶴飛還
因談石上三生話剩得山中幾日閑
杖策尋詩遍岩壑芒鞋踏破蘚痕斑

又

一路尋幽興趣嘉穿雲又到梵王家綠垂檻外蕭蕭
竹紅落岩前點點花絕頂僧房閑日月半空佛閣倚
烟霞水光山色渾如舊却嘆年來髮有華

東郊早春

東郊信馬踏春輝風物熙熙見化機疊嶂層巒添秀
麗千紅萬紫競芳菲林間好鳥綿蠻語陌上遊人酩
酊歸自是南中天氣暖未交二月試羅衣

寄郭勲衛

端陽幾度共開筵又是蕤賓五月天嚶嚶新蟬鳴樹
杪飛飛乳燕舞簾前蒲搖翠劍風中動榴簇紅巾雨

後鮮此日一樽成獨醉
空勞走筆賦詩篇

送俞侍御

煌煌繡節出滇城
侍御趨

朝上

帝京轅道山長駢馬健
黔江水濶鷁舟輕
題詩謾寫深交意
傾酒難分遠別情
奏對

天顏殊有喜
會看進秩荷

恩榮

寄陳大參

一春養疾復何如
幾度微垣問起居
新竹過牆抽碧

玉圓荷貼水散青蚨君臣藥性知公得俊逸詩篇寄
我疎雨霽庭前生意滿開窓靜坐了殘書

次春日遊螳川韻

清時行樂興偏饒信馬東風客路遙社燕定巢春語
滑山花着雨曉容嬌酒因得趣醒還醉詩為陶情暮
復朝更喜溫泉閑浴罷坐看翠嶂倚層霄

次陳大叅寓筇竹韻二首

翠微深處古禪林此地偏宜洗俗心屋後好山青疊
疊庭前嘉樹綠沉沉開樽細酌麻姑酒適興閒調子
賤琴夜對短檠無一事謾題詩句自長吟

又

半榻孤燈獨坐時
柴扉深掩夜眠遲
好風涼覺來松杪
零雨清聞在竹枝
愧我一生空慕學
羨君六十已知非
兩間造化無窮妙
靜裏探求足自知

和陳大叅寄來詩韻三首

文采風流老大夫
曾施經濟輔

皇圖守廉名譽稱

當代作賦才華擬
子虛清磬數聲來
靜院閒雲一片度
平湖此中自得優
游樂襟抱翛然俗
慮無

又

美君清比玉壺冰暫息塵緣伴老僧古殿曉參三世
佛閑房夜對一龕燈林間煮茗燒松葉石上談禪問
葛藤寄我佳章深造妙幾回酬唱愧無能

又

遠釋塵紛思更清寧無經濟慰蒼生烟霞深處閒吟
句風雨兼旬不入城方外有緣千慮息山中無事一
身輕料應悟得先天理靜坐蒲團對月明

次陳大叅寓筇竹寄來詩韻

久為文墨苦纏縈暫向林間一散情岩壑未應淹驥
足雲霄又擬奮鵬程一庭竹色連苔色滿院松聲和

梵聲老我亦耽山水樂年來漸喜世緣輕

和陳大叅韻二首

古寺幽深一徑微白雲長伴老僧歸蓮花漏徹安禪
後栢子香清說偈時壁上靜觀摩詰畫窓間閒詠少
陵詩塵緣盡向此中息意味深長不易知

又

祇園深處更清幽閒看飛泉掛樹頭優鉢花開馴鹿
獻頻婆果熟野猿偷心閒自覺常無事道在應知百
不憂見說郡城民訟簡近來囹圄少羈囚

和長叅議寄陳大叅詩韻二首

金銀佛寺迥無塵地僻偏宜養性真林下聽經仙鹿卧階前得食野禽馴琴書作伴消長日風雨相違又浹旬剩有詩篇頻寄我清新格調過梁陳

又

山深一逕入林微松竹陰中靜掩扉空院日長啼鳥緩閒階風定落花稀吟邊說偈敷禪妙靜裏探玄見化機正好明時膺大用故園未可夢漁磯

重宿和摩舊站

蕭條古驛重經過野曠秋風客思多衰草離離連戍邏殘蟬嘒嘒咽庭柯斷雲谷口樵人去落日村邊牧

豎歌此地解鞍聊寓宿詩成句法逼陰何

懷賴憲副

憲副威名播遠方持平政令肅冰霜栢臺聽訟夷民
服驄馬觀風道路長高嶺雪晴梅破玉疎林霜重橘
垂黃聯鑣喜有陳夫子正好論文泛酒觴

素軒集卷之七

素軒集卷之八

七言律詩

贈靖遠伯

奉

命南征靖麓川忠貞德望邁前賢謀猷久著經綸志
節鉞兼持將相權淨掃邊塵開化日又題勲業上凌

烟趨

朝敷

奏

龍顏喜定見

殊恩下

九天

送丁都御史

煌煌繡節入遐荒
軍餉戎機總贊襄
惠澤及人敷化雨
威名到處凜秋霜
柳拖晴色河橋晚
花落東風驛路香
此去定膺新寵渥

五雲深處遙駕行

送徐侍郎

我愛南州徐孺子
高才碩德少人過
轉輸軍餉華勲

著贊畫戎機妙畧多草色如烟明玉轡柳花飛雪點
香羅一樽此際難為別後夜相思意若何

有懷

獅子山中夙有因重來風景屬殘春落花片片粧苔
砌嘉樹陰陰隔世塵禪榻卧雲憐老衲吟窓見月憶
高人遙知別後多清興坐聽流鶯得句新

次摩泥

萬疊高山翠靄迷行裝帶雨到摩泥荒園秋老垂垂
菊孤店風寒喔喔鷄喜遇故人談往事謾將野景付
新題明朝準擬天開霽驛路泥乾快馬蹄

宿晉市驛

四面青山積靄收，秋光晴映驛前樓。
平疇晚稻離離熟，絕澗寒泉汨汨流。
樹杪日斜歸倦鳥，沙邊人靜下輕鷗。
應知行路殊寥落，謾賦新詩散客愁。

樣備道中

路入龍關百里餘，幾回經此謾踟蹰。
飛泉一道懸幽壑，積雪千峯映碧虛。
地暖梅花開野甸，林深松露濕衣裾。
長亭駐馬多清興，吟得新詩竹上書。

梅花

冬深衆卉皆搖落，獨有梅花滿眼新。
北苑凌寒迎瑞

雪南枝向暖報先春
肯隨桃李爭顏色
能共松篁遠俗塵
坐對一樽清賞處
興來欲寄隴頭人

元日

今年元日好風光
駐節邊城樂事長
角引梅花聞曉
奏杯傳栢酒喜先嘗
野塘冰泮浮新綠
堤柳烟輕裊
淡黃寄語五華山下客
芳春準擬到滇陽

次韻春日即事二首

客裏何人共一杯
門前或報使君來
柳迎春色依依
綠花趁東風灼灼開
白髮數莖容易改
朱顏一去可
能回明朝好着登山屐
看遍桃腮與杏腮

又

相約城東踏早春
可堪連日雨來頻
琴樽不遂尋芳興
花鳥休愁覓句人
弱柳舞風金縷細
遠山籠霧翠眉顰
星軺帶得

天恩澤散作甘霖
及遠民

漫興二首

誰家莊子郡城西
為趁東風散馬蹄
烟際峯巒分遠近
水邊樓閣映高低
年來酌酒情殊樂
老去逢春意欲迷
會晤有時須酩酊
夕陽歸路草萋萋

又

銀溪峯畔無為寺地絕囂塵景最嘉方丈翠凝羅漢
竹曲欄紅映杜鵑花林收宿雨幽禽響逕轉春風小
燕斜行樂應知情思好歸來信馬岸烏紗

春日寓沙甸喜雨

朝來微雨浥輕塵望斷郊原草色新燕入小樓營舊
壘鶯遷高柳哢芳春殘花點點隨流水綠樹陰陰暗
遠津客路可人風景好又看東作及斯民

壽陳勲衛

德星燁燁照崧高光嶽鍾靈誕世豪已喜華勲書汗
竹又看綺席獻蟠桃簪纓名閥傳千載文武奇才貫

六韜願祝遐齡等松栢樽前莫惜醉香醪

和應方伯韻

佳章遠寄句清新展玩令人倍爽神
令節每驚天外客高才自是箇中人
經邦獨喜寬而厚樂道寧論富與貧
愧我柳營無一事何須羽扇共綸巾

中秋

雲霧初消霽景鮮開樽延賞思飄然
山河隱隱中秋月星漢迢迢萬里天
漱澀酒杯浮綠蟻清新詩句寫華殘
興來莫惜今宵醉老境相看又一年

送侯亞卿回

京

祖帳旗亭惜別離趨

朝倏爾及瓜期菊花黃綻深秋候楓葉紅明夕照時
把袂謾傾千日酒攄情為賦七言詩應知

奏對

天顏喜定荷

殊恩拜

玉墀

送易同知

初冬天氣瘴烟清別駕嚴裝出郡城萬里居官多政

績九年考最被

恩榮霜晴燹道青驄健水落巴江盡鷁輕異域相看
頭總白謾傾樽酒若為情

清樂軒

公退軒中自琢磨年來樂事定如何圖書妙理明斯
道壺矢閑情付雅歌芳草一庭生意滿焦桐三尺古
音多料應胸次無塵俗終日端居養泰和

寄陳郭二勳衛

湖上風光屬早秋輕烟漠漠未全收青山遠近藏僧
寺碧樹高低映戍樓水色連天移畫舫荷香落酒醉

金甌座中人物皆冠冕
賸有新詩迭唱酬

九日

殊方風物當重九
邊境無虞士馬閑
咲把黃花簪白髮
恐將綠醕益朱顏
霜寒野水澄冰鏡
雨霽峯巒擁翠鬟
乘興今朝恣行樂
登高何必效龍山

遊玉泉庵

日照珠林散曉嵐
春晴又到玉泉庵
岩花零落香猶在
禪意幽深妙自探
石鼎煮茶供軟語
玉壺載酒飽清酣
寄言年富文章客
莫惜來停柳外驂

壽楊叅贊

奎星燁燁燭三台喜見清時出異才
館閣文章輝錦繡廟堂人物具鹽梅
千年東海蟠桃熟五月南風菡萏開
贊理邊藩無事日摩挲銅狄訪蓬萊

送陳大叅

大叅述職

覲

楓宸祖席臨岐卜吉辰江館杏花紅
褪雨雲津楊柳綠搖春政成遠播聲名重

朝罷深霑

寵渥新敷

奏若詢方面事華夷一統總堯民

陳布政病

簾幙風清暑氣收先生嬰疾未全瘳可人香愛堦前
蕙驚夢喧聞竹外鳩藥畧頻開長日靜藜床高卧小
窓幽何時載酒滇池上閑向汀洲玩白鷗

漫興

一番雨過暮春時出郭閑遊也自宜江上綠添新水
漲天邊青見遠山奇茸茸芳草迷幽徑點點殘花落
故枝勝覽歸來心自得此中意趣少人知

春日行樂

出郭尋芳信馬行春山如畫可人情烟籠楊柳千條
嫩風颺梨花萬點輕賞景正堪延好客停杯忽聽囀
流鶯明年此際誰同賞不惜樽前醉玉觥

寄徐憲副

花朝已過又清明對景懷人句未成夜雨園林紅漸
少春風庭院綠初萌枰棋自可消閑思樽酒還能散
客情寄我佳章如錦綉幾回吟翫韻難賡

春日宜良有作

野寺尋幽日已西春風花樹影高低巖泉汨汨聲偏
細烟柳依依綠未齊幾度登臨懷往事一時談笑總

新題偶來頓覺塵緣息欲悟三生思轉迷

和徐憲副韻

衣冠濟濟盛威儀別後令人動遠思
欹枕空勞中夜夢寄詩足慰寸心馳
才華蘊藉人皆羨道學淵源衆所知
夷獠即今俱向化梅花如雪映歸旗

復和遊正續寺

澗底流泉樹杪山僧房深隱白雲間
寒宵靜榻談經坐暮雨遙城乞食還
林跡共傳千載勝禪心獨守一生閑
落花洞口晨遊處飛看袈裟萬點斑

送張御史

奉

命持衡萬里來又看繡節日邊回
堅貞久著冰霜操
蘊藉應多館閣才
轅道好山驄馬健
巴江新水畫船開
雍容儀度人皆羨
素有清名重栢臺

梅花二首

歲晏園林欲雪時
春風先到向南枝
芳姿瑩潔明深竹
疎影橫斜落小池
東閣曾邀吟客賞
孤山還起昔人思
莫教玉笛吹清夜
老我猶能為賦詩

又

水村山郭野人家
開遍寒梅幾樹花
能與松篁同晚

節不隨桃李競春華
淡烟籠處殊多態
殘雪消時絕點瑕
踈影暗香明月夜
臨風高詠興無涯

遊筇竹寺訪陳大叅病二首

山深雅稱適閑情
布鞵青鞋去住輕
釋子焚香陪輓語
野禽隔竹唳新聲
岩前挺立蒼松老
烟外飛來白鶴明
涼夜沉沉羣籟寂
半龕蘿月不勝清

又

寓跡林泉樂有餘
開窓靜閱貝多書
蘭芳幽谷飄香遠
竹映清潭倒影虛
野客有時來獻果
山厨無日不供蔬
科頭箕踞松陰下
懶散何妨禮法踈

戊午元日

斗柄回寅泰運開乾坤生意動枯荄春盤細簇青絲菜
新酒頻傳白玉杯溪塢雪晴梅落盡柳塘風暖燕飛來
清時漸喜堪行樂謾把新詩取次裁

瞿曇道中

松逕迢迢逾十里山雲初散見村墟烟迷草色嘶金勒
風送蘭香襲翠裾莫道眼前多景物從知囊裏富詩書
邊氓久已皆知化在處歌謠樂有餘

次普淵

料峭春寒老不禁征途策馬思難任花間好鳥迎人

語意外新詩對景吟竹帛可能垂姓字利名那復役
塵心從容更喜多清暇自起開窓看遠岑

次雲南驛遊水目寺

洱海東南水目山青鞋公暇一躋攀浮屠高出青雲
上梵宇雄開碧樹間童子汲泉來石逕老僧入定閑
禪關六根清淨無塵雜盡日談玄未擬還

宿德勝關

保障邊藩第一城解鞍猶記昔曾行蒼山高聳雲霄
色洱水雄奔晝夜聲官柳依依籠雉堞林花點點墮
簷楹良辰又近中和節且對風光倒玉觥

遊三塔寺

古寺荒涼歲月深
閑尋禪侶一登臨
半簾日影移花影
萬壑松音雜梵音
對景吟詩饒逸興
談空啜茗散幽襟
白頭獨坐長松下
咲對蒼山雪滿岑

遊感通寺

旭日初高到感通
名藍瀟灑興無窮
庭前竹色娟娟翠
檻外花容的的紅
茗椀足添清意味
禪林不易舊家風
今朝偕友來清賞
一任光陰似轉蓬

次江門

水長江門灘瀨平
荻花風送畫船輕
沙邊白鷺雙雙

起林外黃柑樹樹明舊館重過人事異悲茹乍動客
懷驚望中不見隨陽鴈詩就無媒寄友生

次瀘州

柔櫓咿啞下納溪雨多秋漲沒漁磯一林橘子垂垂
熟兩岸蘆花冉冉飛山氣作雲遮旅店水風吹冷上
人衣晚來絳棹瀘川上獨倚蓬窓對夕暉

除夕

久寓滇南將四紀每逢除夕總相同香浮栢葉杯杯
綠雪映山茶朵朵紅景物可堪鄉國異夷民咸樂歲
時豐年來白髮添多少自惜流光似轉蓬

遊寺

暇日尋幽興未涯
白雲深處有僧家
重過方丈題佳句
閑倚闌干看落花
奇樹隔溪聞好鳥
輕烟度竹煮新茶
坐來頓覺塵紛息
回首西巖日已斜

次陳謙遊太華寺詩韻二首

清時遑徼好年華
幾度尋幽到佛家
山色一簾收宿雨
松風萬壑散晴霞
上方每聽猿啼樹
此地曾聞天雨花
謾把新詩題歲月
滿懷佳興浩無涯

又

金銀佛寺倚高岑
暇日來遊興趣深
風靜香烟騰盡

壁時清甘露降珠林梅花溪畔迎新臘山鳥窓前弄
好音為愛老僧棲止處滯毫石上寫長吟

贈雲山禪師

憶拜

徵書又幾年今朝歸老舊林泉三朝

聖主遭殊遇萬里芳名匪浪傳煮茗松窓閑說偈焚
香竹屋靜參禪應知悟得西來意好闡宗風滿大千

宿馬龍和姚大叅

曉起聯鑪過易龍交游還憶昔年同開樽小酌情偏
洽援筆新題興莫窮滿徑黃花添晚色一林紅葉顫

秋風知公飽蘊經綸志他日承

恩令譽崇

九日懷金陵

南中風景值重陽客裏登高憶故鄉獻壽屢懷斟菊
酒試新端可授衣裳清風惟有陶元亮異術能無費
長房醉把茱萸還咲插龍山落帽任踈狂

癸卯歲夏日遊法界寺宿僧房

遊寺平生心所好尋幽不憚馬蹄遙新篁夾徑幽禽
語古木垂陰溽暑消詩客欲追陶令趣山僧那得遠
公標塵羈他日應能釋布韞青鞋試問樵

留題財上人方丈

勝境重來屬暮春
高軒弘敞遠囂塵
雨餘苔色堦前潤
風度茶烟竹外頻
坐久正欣無俗事
吟成端覺有詩神
焚香輒語消長晝
心地清涼自有因

寄住持靈隱

老僧久矣住巖阿
今日堂頭事若何
世外開心無俗慮
山中清景有詩魔
苔階雨後生筇竹
茅屋雲深冷薜蘿
料得定回明月夜
焚香獨對病維摩

吾居永昌情懷自如
日夕吟詩偶成一首
同此錄去共訥菴并諸禪
老少資笑覽云

歲晚天涯仍作客，人生蹤跡似浮萍。
燈殘旅館三更夢，路轉遐方萬里情。
柳樹堤邊將及暖，梅花窓外正餘清。
歸來賸賞春光好，莫負梨園載酒行。

判山聳翠

判山高聳鬱嵯峨，雨過羣峯列翠螺。
時有青猿號木杪，豈無蕭寺倚巖阿。
鈎簾每助詩懷壯，拄笏應添逸興多。
覽此縱知仁者壽，謾裁新句自吟哦。

北嶺晴嵐

春城雨過喜新晴，山色遙看盡不成。
野寺雲開孤嶂立，荒村嵐淨午風清。
林端幽鳥時時囀，澗底寒泉汨汨流。

汨鳴徙倚闌干閑縱目好將詩酒謾娛情

蓮池夏雨

百畝芳塘傍野居碧波瀲灩映芙蕖何時載酒同清酌他日維舟獨羨魚雨過明珠擎翠蓋風生香氣襲羅裾應知茂叔情偏愜我亦飄然興有餘

指林佛會

象教西來歲月賒殊方風俗異中華春光浩蕩盈阡陌佛澤弘深被萬家簫鼓聲中聞梵唄幡幢影裏雨天花怡然我亦生歡喜瞻禮何妨日又斜

曲江晚渡

蜿蜒新題賦得聊堪咏何日携樽列綺筵

法明寺

春來幾度坐樓雲栢子香消活火焚一逕綠陰閒寂
寂半簾紅雨亂紛紛絀園日照青蓮宇鬆几風翻貝
葉文老衲煮茶供軟語高標不覺轉斜曛

建水拖籃

一泓新水淨無瑕縈抱山城幾萬家未許龍舟來競
渡曾聞仙子去乘槎粼粼細浪浮新綠泛泛輕波漾
落花散步臨流思智者悠然樂道興偏賒

和陳大叅秋興八首

公餘無事扣禪扃踏破莓苔翠一庭深院鳥來嚙熟
果方池魚躍破浮萍文章老去知多進病體秋來喜
漸寧好是山中清夜後半窓明月夢初醒

又

堪嘆人生水上漚塵中擾擾未能休數竒不滿平生
志世短空懷百歲憂山水有緣時自樂光陰無計可
相留仕途飄泊天涯久深愧當年馬少游

又

東籬秋到菊花開宋玉多情謾自哀茸露清涼逾沆
瀣紺園風景勝蓬萊高人丰采溫如玉野衲禪心冷

似灰老我相思不相見幾回驛使寄詩來

又

抗塵走俗任狂癡屏跡山中足自怡世上功名多士
競吟邊風月少人知耽幽不厭雲林遠訪道寧辭石
路危幾度相思凝望處西山一帶晚烟迷

又

詩書雖已被秦燒道學猶知祖舜堯周孔法言明似
日柳韓文思湧如潮瑤琴倚曲成三弄寶劍騰光燭
九霄今古此心誰會得山房獨坐夜寥寥

又

山深猿鶴共忘機更覺閒中日月遲
野迥湖光晴浩蕩雨餘嵐翠晚淒迷
經翻貝葉通三昧漏刻蓮花禮六時
吟得清新好詩句因風毋惜寄相思

又

瀟灑軒窓水竹居閒來寄傲屬公餘
雲堂靜閱維摩像石室時翻貝葉書
滇海瀾漫同震澤鷄山秀拔並匡廬
道人不動尊鱸興坐對秋風意自如

又

俗塵擾擾苦難逃暫把聲光謾自韜
遠水長天同一碧南山秋色兩相高
生平啓沃資三益老去光陰歎

二毛眼底紛紛皆醉客
屈原何事不餽糟

寄陳大叅

驛路風清雨漸收
別來倏忽又中秋
吟邊對酒添詩興
馬上看山散旅愁
叢菊滿枝開晚節
嘉禾同穎秀平疇
故人不見將旬日
幾度相思獨倚樓

題張叅議雙桂堂卷

君家分得月中桂
奕世栽培近畫堂
枝拂雲霄誇競秀

恩承雨露喜聯芳
翠陰掩映牙緋絢
金粟飄來錦誥香
更願二難多種德
根深會見慶流長

懷陳大叅

傳聞騎從駐寧州此地荒涼莫暫留
霧隱峯巒時彷彿風鳴竹樹晚颼颼
囊中賸有君臣藥客裏惟耽山水遊
遙想公餘多逸興閒臨沙渚狎輕鷗

素軒集卷之七

七言律詩

遊羅漢寺泛舟而去

湖上涼生值早秋，偶陪佳客共遨遊。
一簾山色雨初過，滿耳松風嵐未收。
絕勝謝公乘短屐，何殊蘇子泛扁舟。
狂歌迥出漁樵唱，歸路題詩與自幽。

悼遠先生

零落遐荒逾二紀，哀年倏爾值顛連。
經書手澤傳三世，兄弟萍流各一天。
鏡裏容顏誰復覩，堦前花卉自爭妍。
于今失却論文交，盡日齋居思愴然。

恩榮自慚白髮深無補願効勤勞荅

聖明

沙河道中

孤艇搖搖過濟寧雨微雲淡近清明杏花紅映山前
驛芳草青連水外城土地肥饒宜播種民風淳朴務
耘耕掀蓬記得尋詩處楊柳枝頭百轉鶯

登金山寺

誰得黃金闢此山偶因暇日一躋攀雲生石洞龍將
出月滿松巢鶴未還水色春清明客袂潮聲夜靜到
禪關天開圖畫真奇絕擬借烟霞屋半間

壽新詞聊贈錦雲箋折來仙桂簪烏帽分得蟠桃薦
綺筵詩禮傳家人共美好推所學迫群賢

遊圓照寺

野寺開筵集俊髦鉤簾又得對林臯和風檻外吹輕
燕新雨溪邊濕小桃彩筆昔曾揮藻句芳樽今喜泛
松醪及時行樂隨旌旆信馬歸來山月高

奉陪太傅兄遊太華寺

勝日尋幽入太華奉陪旌節興尤嘉慈雲長護階前
竹法雨先開檻外花百尺寒泉如瀉練一杯春酒勝
流霞清時正爾堪行樂不管風吹烏帽斜

金華詩卷七
八
負雍雍絳帳肅威儀
棘園終試嚴金鎖
桂院餘閑泛玉卮
獨羨諸公皆老學
能文復喜又能詩

又

試院秋高露氣涼
奎星燦燦燭文光
青燈夜對應忘寐
黃卷朝披孰擅場
月下疎桐時轉影
風前老桂細飄香
佇看撒棘多清暇
會與幽談舉一觴

贈陳揚二御史

燁燁文星拱少微
芳名赫奕振秋闈
涼風細細吹丹桂
明月團團照繡衣
取士應知懸藻鑑
論文已見唾珠璣
今宵正遇中秋節
莫惜開樽對素輝

羅筵司春未肯輕開放始信能持造化權

春日途中遇雪

芳春歸騎自天涯
滕六俄然奪歲華
帶雨逞威寒凜冽
迎風作陣勢橫斜
飄來馬首輕於絮
綴向枝間巧若花
公館晚來吟賞處
金樽有酒不須賒

杜鵑

故山回首已千年
猶有芳蕋託杜鵑
幾度叫殘楊柳月
一聲驚破杏花烟
酒醒孤館偏愁絕
夢斷深閨益悵然
啼血滿枝遺恨在
香紅開遍暮春天

遊太華寺

客路光陰荏苒過春來行樂興偏多昨宵好雨添芳
草今日東風趁薄羅一樹梨花開白雪千條楊柳拂
清波邊庭更喜烽烟息處處夷民盡踏歌

和喜雨詩韻

春風吹雨過山前處處園林帶濕烟東作喜看呈上
瑞西成準擬樂豐年青回野壠芄芄麥綠溢花渠汨
汨泉生意滿前民物泰欣然為誦黍苗篇

巖拳

撐破蒼苔露一拳東風二月雨餘天平原挺挺擎朝
露幽谷攣攣握暖烟方外可同蔬笋氣堂中弗稱綺

麗日和風二月天踏青騎馬過晴川天挑幾處紅含
雨弱柳千株綠暉烟俛仰乾坤成舊跡登臨人物異
當年玉壺滿載梨花酒爛醉金銀佛寺邊

和潞江王太守九日詩韻

滇海相逢已有年幾回佳節共開筵紛紛紅葉迎霜
落采采黃花帶雨鮮栗里不須思往事龍山誰復效
先賢風流却羨潯陽守寄酒兼傳白雪篇

九日

滇南佳節又重陽喜盍朋簪引興長鏡裏蕭蕭頭髮
白樽前采采菊花黃雲山如畫收殘雨風葉飄丹醉

晚霜自咲年來何潦倒登高不覺恣踈狂

櫻桃

柳絮風輕雨乍晴園丁又復獻朱櫻味逾紫蔗含瓊
液色勝丹砂混赤瑛醉月樓頭消酒渴看花亭畔助
吟情縱然奇絕令人愛不似鹽梅可和羹

和徐憲副韻

一榻清幽寄此身琴書終日獨相親才華醞藉連城
壁笑語雍和滿座春美酒謾傾聊適興新詩細詠自
怡神殊方最喜交情好來往論文不厭頻

遊無為寺

曲江新漲水痕收，野色和烟古渡頭。
林外漸看來宿鳥，沙邊還見浴輕鷗。
漁翁舉棹論歸計，旅客停驂問去舟。
欸乃一聲何處發，夕陽芳草自悠悠。

黌宮秋蟾

泮宮秋杪晚生涼，明月當空照八荒。
萬里清光流素魄，一株老桂發天香。
研窮殊喜開黃卷，賞翫何妨倒玉觴。
勉爾書生勤學業，他年虎榜姓名揚。

白龍泉

古甸龍潭已有年，清流滾滾出平川。
滋餘遠野千章木，灌盡平疇萬頃田。
屢見方人誠致禱，曾知靈物久